

XALQIMGA

O‘zing tashna etding, o‘zing suv tutding,
Qalbidagi sahrom, daryomsan, xalqim!
Seni seva-seva men boyib ketdim,
Dunyo ichra topgan dunyomsan, xalqim!

Yurak chaqmoq tekkan osmon yuziday,
Lekin e‘tiqodim, iymonim butun,
Umrinda qolgan ozmi-ko‘pimdan,
Mehring daryosidan serobman bu kun.

Menga Navoiydan aytding alla deb,
Lutfiydan ongimga ziyo taratding.
Qiyналgan olamga bo‘lgин dalda deb,
Asli o‘zing meni shoir yaratding...

Yosh shuur, kurashchan tuyg‘ular bilan
Sening taqdiringga mahkam tutashdim.
Ne-ne g‘animlar-la kurashganing on
Ko‘pning biri bo‘lib malhamga shoshdim.

Hali bor oldinda o‘tmagan burchim,
O‘tayman, ko‘zimda tirik tursa nur.
Umrimdagi barcha fasllar uchun
O‘ziga bek xalqim, Senga tashakkur.

**Gulxan jurnalidan.
Zulfiya
O‘zbekiston xalq shoirasi**